

目錄

命令

- 中華民國十二年六月廿八日大元帥令
- 中華民國十二年六月廿九日大元帥令
- 中華民國十二年六月三十日大元帥令
- 中華民國十二年六月三十日大元帥令
- 中華民國十二年六月三十日大元帥令
- 中華民國十二年六月三十日大元帥令
- 中華民國十二年六月三十日大元帥令

訓令

- 大元帥訓令第二一四號
- 大元帥訓令第二一五號
- 大元帥訓令第二一六號
- 大元帥訓令第二一七號

陸海軍大元帥大本營公報

目錄

七月六日

第十八號

一

指令

- 大元帥指令第二八六號
- 大元帥指令第二八七號
- 大元帥指令第二八八號
- 大元帥指令第二八九號
- 大元帥指令第二九〇號
- 大元帥指令第二九一號
- 大元帥指令第二九二號
- 大元帥指令第二九三號
- 大元帥指令第二九四號
- 大元帥指令第二九五號
- 大元帥指令第二九六號

公電

國會議員童抗時等四百七十五人來 大元帥刪電

安徽全省學生聯合總會呈 大元帥號電

上海各團體呈 大元帥沁電

中央直轄滇軍總司令楊希閔呈 大元帥艷電

楊藎范石生廖行超楊廷培等呈 大元帥艷電

四川省議會來 大元帥艷電

中央直轄滇軍總司令楊希閔呈 大元帥全電

大本營秘書長楊庶堪致胡總參議蔣參謀長感電

陸海軍大元帥大本營公報

目錄

七月六日

第十八號

四

命令

大元帥令

派黃建勳爲西江船舶檢查所所長此令

中華民國
陸海軍大
元帥之印

中華民國十二年六月廿八日

大元帥令

任命魏邦平兼廣東西江戒嚴司令此令

中華民國
陸海軍大
元帥之印

中華民國十二年六月廿九日

大元帥令

派程壯爲大本營出勤委員此令

陸海軍大元帥大本營公報

命令

七月六日

第十八號

五

陸海軍大元帥大本營公報

命令

七月六日

第十八號

六

中華民國
陸海軍大
元帥之印

中華民國十二年六月卅日

大元帥令

大本營軍政部長程潛呈請任命王祺李隆建鄒建庭爲大本營軍政部秘書姚大慈爲大本營軍政部
纂譯官馬驥爲大本營軍政部高級副官雲瀛橋馮寶森黃培燮李濟汶沈畢熙甯坤李明灝姚大顯潘
培敏爲大本營軍政部科長梁祖蔭爲大本營軍政部軍法處委員長均照准此令

中華民國
陸海軍大
元帥之印

中華民國十二年六月卅日


大元帥令

大本營內政部長徐紹楨呈請任命梁桂山爲大本營內政部科長應照准此令

中華民國
陸海軍大
元帥之印

大元帥令

大本營外交部長伍朝樞呈請任命陳長樂伍大光為大本營外交部秘書應照准此令



中華民國十二年六月卅日

大元帥令

大本營兵站總監羅翼羣呈請任命陳瀨為大本營兵站第二支部長應照准此令



中華民國十二年六月卅日

德海軍大元帥大本營公報

卷一

七月六日

第廿八號

八

訓令

大元帥訓令第二一四號

令 各 軍 長 官

據廣東財政廳長鄒魯呈稱竊維粵省頻年軍興需餉浩繁計吏窮於搜括民力日以頽敝與言理財固憂乎其難矧以此次軍興義軍遽起機關分立事權未能統一舉凡職廳直轄省內外各屬釐稅餉捐收入悉爲各駐防軍隊收辦餉欸概行截留省庫幾同守府籌餉者智窮力竭索餉者紛至沓來無米成炊巧婦有難爲之嘆點金乏術司農興仰屋之嗟若不亟圖整理破碎堪虞於財政前途固日形勢亂而於軍民兩政亦關係匪輕廳長奉命危難之間受事以來殫精竭慮以爲當今急務舍統一財政其道末由惟有就據報各軍收辦釐稅餉捐情形分別開列清單呈請鈞座鑒核俯賜通令各軍司令對於職廳直轄各屬釐稅餉捐如已派員或另招商承者立予撤銷一律交回職廳辦理餉項應逕行繳廳勿得截留所有請領各軍軍餉應向大本營具領其距省驚遠各軍如須提撥餉項并應先行報由職廳核准後方可截留以維統一而明系統除呈請省長察核外理合具文呈請鑒核指令祇遵等情前來查收收入必須統一支出始有準繩該廳長所呈係屬實在情形除指令照准外合行令仰該軍長轉飭所屬一體遵

總司令
司令

陸海軍大元帥大本營公報

訓令

七月六日

第十八號

十

照凡有截留各屬釐稅餉捐等項迅即交回財政廳辦理應領軍餉由該長官造具清冊呈報大本營核發切切此令

中華民國
陸海軍大
元帥之印

中華民國十二年六月廿七日

大元帥訓令第二一五號

令廣東省長廖仲愷
兼衛戍司令楊希閔

前因廣州市內竟有白晝槍劫情事驚擾閭閻妨害治安經令行該省
兼衛戍總司令督飭所屬一體

嚴防密查遇有搶劫案犯一經拿獲訊明即依軍法從事在案近聞更有冒充軍人擅自逮捕商民或入
民居搜索或濫封船渡或強拉伏役等類情事愈堪痛恨茲頒發臨時軍律六條開列於後合行令仰該
省長轉飭公安局
兼衛戍總司令執行併出示佈告俾眾周知除分令外仰即遵照辦理以安閭閻而清匪患切切此令

臨時軍律

一搶劫財物者槍決

- 一 冒充軍隊及不知會警察擅自拉伏者槍決
- 一 未奉長官命令不知會警察擅自逮捕商民或入舖屋搜索者槍決
- 一 不經由兵站擅自封用船渡者槍決
- 一 強佔商民舖屋者槍決
- 一 擄人勒索及打單嚇詐者槍決


中華民國
陸海軍大
元帥之印

中華民國十二年六月廿七日

大元帥訓令第二一六號

令大本營外交部長伍潮樞

據大本營駐江辦事處全權主任古應芬漾電稱帥座刪電敬悉所請照九年成案速設西江船舶檢查所截斷敵人交通之處應予照准等因奉此自應遵照籌設業由本處派琼海關監督兼交涉員黃建勳辦理應請帥座加給委派黃建勳爲西江船舶檢查所所長以專責成并請知會各國領事查照等情前來除電復照准并令派外合行令仰該部長轉飭照會各國領事查照此令



中華民國十二年六月廿八日

大元帥訓令第二一七號

令大本營會計司司長王聚

據前兼理大本營財政部長鄧澤如呈稱竊職部五月份職員薪俸及一切經費業經列表呈請飭司核發邀准在案茲將六月份職員薪俸及一切經費計自一日起至交卸前之一日止共二十四天應由澤如請領支給理合造具預算表呈請鈞核伏乞俯賜飭司照發以便轉給支領實爲公便等語并造具預算表前來除指令照准外合行令仰該司長查照發給預算表併發此令



中華民國十二年六月卅日

指令

大元帥指令第二八六號

令廣東財政廳長鄒魯

呈請通令各軍長兵將截留各屬釐稅餉捐交回該廳辦理由
呈悉業准如所請令行各軍事長官一體遵照辦理仰即知照此令

中華民國
陸海軍大
元帥之印

中華民國十二年六月廿七日

附原呈

呈爲呈請鑒核示遵事呈稱竊維粵省頻年軍興需餉浩繁計吏窮於搜括民力日以頽敝與言理財固憂乎其難矧以此次軍興義軍遽起機關分立事權未能統一舉凡職廳直轄省內外各屬釐稅餉捐收入悉爲各駐防軍隊收辦餉欸概行截留省庫幾同守府籌餉者智窮力竭索餉者紛至沓來無米成炊巧婦有難爲之嘆點金乏術司農興仰屋之嗟若不亟圖整理破碎堪虞於財政前

途固日形勢亂而於軍民兩政亦關係匪輕廳長奉命危難之間受事以來殫精竭慮以爲當今急務舍統一財政其道末由惟有就據報各軍收辦釐稅餉捐情形分別開列清單呈請鈞座鑒核俯賜通令各軍司令對於職廳直轄各屬釐稅餉捐如已派員或另招商承者立予撤銷一律交回職廳辦理餉項應逕行繳廳勿得截留所有請領各軍軍餉應向大本營具領其距省窩遠各軍如須提撥餉項并應先行報由職廳核准後方可截留以維統一而明系統除呈請省長察核外理合具文呈請鑒核指令祇遵實爲公便謹呈

陸海軍大元帥孫

廣此財政廳長鄒魯暉

中華民國十二年六月二十二日

大元帥指令第二八七號

令大本營內政部長徐紹楨

呈悉應照准此令

呈請任命鄭洪鑄爲該部科長由

中華民國
陸海軍大
元帥之印

中華民國十二年六月廿七日

附原呈

呈爲荐任事查大本營各部長係荐任職茲查有鄭洪鑄堪以任爲本部科長理合具文呈請
鈞座明令照准謹呈

大元帥

內政部長徐紹楨

中華民國十二年六月二十三日

大元帥指令第二八八號

令大本營內政部長徐紹楨

呈報該部科長黃仕強辭職請任葉佩瑜爲該部科長由

呈悉應照准此令

中華民國
陸海軍大
元帥之印

中華民國十二年六月廿七日

陸海軍大元帥大本營公報

指令

七月六日

第十八號

一五

陸海軍大元帥大本營公報

指令

七月六日

第十八號

一六

附原呈

爲呈報事查本部科長黃仕強前經荐任奉

令照准在案茲據該科長辭職查有葉佩瑜堪以接充本部科長理合具文呈請

鈞座明令照准謹呈

大元帥

內政部長徐紹楨


中華民國十二年六月二十三日

大元帥指令第二八九號

令大本營財政部長葉恭綽

呈報就職視事日期由

呈悉此令



中華民國十二年六月廿八日

附原呈

呈爲呈報就職視事日期仰祈

鈞鑒事竊恭綽奉

大元帥令特任爲大本營財政部長等因奉此隨准鄧前部長澤如咨交印信及案卷等項前來遵於六月二十五日就職視事除咨令外理合將就職視事日期具文呈報伏乞俯賜

鑒核備案謹呈

大元帥

大本營財政部長葉恭綽

中華民國十二年六月廿五日

大元帥指令第二九〇號

令大本營外交部長伍朝樞

呈悉此令

呈報就職日期由



陸海軍大元帥大本營公報

指令

七月六日

第十八號

一七一

陸海軍大元帥大本營公報

指令

七月六日

第十八號

一八

中華民國十二年六月廿八日

附原呈

爲呈報事六月十五日奉

鈞令內開特任伍朝樞爲大本營外交部長此令等因奉此朝樞遵於六月二十五日就職理合具
文呈報伏乞

鑒察謹呈

大元帥

大本營外交部長伍朝樞

中華民國十二年六月二十五日

大元帥指令第二九一號

令大本營外交部長伍朝樞

呈悉業令會計司發給矣仰卽知照此令

呈請發給開辦經費由

中華民國
陸海軍大
元帥之印

中華民國十二年六月廿八日

附原呈

爲呈請

發給開辦經費以資辦公事竊朝樞前奉

鈞令特任爲大本營外交部長遵於六月二十五日接印視事經另文呈報在案伏念外交一職關係國際觀瞻設備固不宜鋪張亦不容太安簡陋此次外交部係以廣東交涉公署三樓爲辦公地點種種購置及一切開辦經費極力撙節約需銀叁千元除俟造具詳細清冊另案報銷外理合具文呈請

發給俾資辦公謹呈

大元帥

大本營外交部長伍朝樞 謹

中華民國十二年六月二十五日

大元帥指令第二九二號

令大本營財政部次長鄭洪年

陸海軍大元帥大本營公報

指令


七月六日

第十八號

二十

呈悉此令

呈報就職視事日期由



中華民國十二年六月廿八日

附原呈

呈爲呈報事案奉

大元帥簡任狀開任命鄭洪年爲大本營財政部次長等因奉此洪年遵於本月二十五日就職視事理合將就職視事日期具文呈報

鑒核謹呈

大元帥

大本營財政部次長鄭洪年


中華民國十二年六月二十五日

大元帥指令第二九三號

令大本營駐江辦事處全權主任古應芬

呈報辦理趙榮超等被匪洗劫案經過情形由

呈悉此令



中華民國十二年六月廿八日

附原呈

爲呈報事現據新會縣長趙植芝呈爲呈復事案奉省署第一五六號批開原具呈人新會縣民趙榮超等呈一件爲糾匪洗劫請飭緝起擄由呈悉如果匪徒糾黨擄人傷斃多命自屬兇橫藐法惟爾霞路鄉與文樓鄉究竟平日有無嫌怨是否另有起衅別情仰新會縣咨會防軍督飭警團嚴緝兇匪務獲訊明懲辦設法起擄給領仍先查明本案實情詳加勘驗照章填具檢驗書表通報察核所請扣留吳澤理查辦各節既據分呈着候

大元帥示遵此批副呈發等因到縣并奉省署歐處真等日快郵及第一五六號一九六號二八二號批行又奉鈞處第四一二號四一七號四一八號訓令除原文在案邀免冗叙外各等因奉此遵

查此案先於五月二十六日據霞路鄉耆民趙耀堉等到縣呈稱竊者等霞路鄉因聖堂廟神誕演戲爲匪所涎舊歷四月初九日午下五點鐘候突有鄰匪數百人先在敵鄉與文樓鄉吳姓相間之圍牆燃燒串炮爲號即分由該圍牆及伊吳姓後山扒越而入臂上均繫白布仍另有匪黨百餘人預伏戲場人叢中間號相應開鎗亂轟沿鄉洗劫槍斃者族十餘人傷二十餘人擄去男女老幼數百人仍由該處後山逃入文樓鄉而去當時雖有本鄉團勇及所請到鄉保護之西南保衛團船勇聞警出援當場擊斃匪數人但匪多勇少難以堵截匪遂脅擄越後逃去似此白日洗劫傷擄斃命共數百人實爲從來未有之慘惟該匪等來自吳趙間牆及吳姓後山去亦在該處後山事迹昭彰其匪等藏於吳姓者已無疑義若不向伊吳姓剿辦勒交匪徒將必愈劫愈橫耆鄉必受劫滅之禍呈請勘驗起緝等情到縣據此經即派員李登瀛會同游擊總隊長黃武馳赴勘驗一面偵緝兇匪務獲解究去後旋據復稱委員等遵於本月二十六日帶同游擊隊馳赴霞路鄉查勘旋查得該鄉此次演唱樂千秋班於二十四日下午四時許正演戲之際戲場左便棚寮忽發見串炮百數十响詎炮聲甫歇潛伏場內之匪約百餘人均以手纏白布爲號即拔出左輪駁壳等槍肆行轟擊同時亦有匪黨二百餘人紛由趙吳兩姓間之後山及坑尾等處蜂擁入村計當場轟斃男女二十餘人傷三四十人直至六點鐘即將場內觀劇男女約三百人擄去隨向坑尾逃逸委員等復親履各地

察勘登週旋詣屍場將各屍身如法相驗計驗過趙子煖等男屍十具趙林氏等女屍六具文樓吳邦顯等男屍三具均係生前被槍轟擊所斃惟各屍體俱已棺殮停放候驗於原在場多有移動經飭吏件照章壞格取具供狀附呈備案一面飭屬領回安葬復傳當日被擄逃回之趙普能趙禮常趙高氏詳詢一切并查此次霞路趙姓慘被劫擄案情重大於文樓吳氏不無懷疑深恐因此釀成門禍卽經委員等分赴兩鄉剴切勸諭着各耆老一面嚴約子弟勿滋事端取具切結呈繳所有奉委會查霞路鄉被匪殺擄各情連同屍格供狀理合具文呈復察核等情隨據文樓鄉耆民吳德託等呈稱竊霞路鄉借酬神演戲爲名開賭漁利爲實於本年舊歷四月初九日適民子吳邦顯及族姪吳金來吳顯養等赴該鄉看劇忽聞賊匪開槍轟擊卽行奔避各匪遂分頭搜劫擄捉無論吳趙各姓男女老幼在劇場內者均遭其害豈料趙姓被劫擄後別存意見竟將吳姓子弟三人之未被擄者硬指爲匪或縛刺或槍殺皆重傷斃命彼知不了遂捏該三人作匪以圖卸咎如果該三人是匪何以拿獲時不解官廳訊辦顯見其中有主謀之人挾夙嫌以施毒手竊思民子邦顯適由外洋歸里僅兩閱月而金來年甫十七尙讀儒書至顯養慣挑生猪仔來往左右鄉間售賣人人認識何有不法行爲雖奉鈞署委員開棺驗明是歹是良想亦難逃鑑別今不白之冤止待雪伸而无妄之禍忽又旋嫁實屬苦上加苦非仗澈究法紀奚存迫得聯叩鈞前乞賜立予偵查本案槍斃三命之

主謀正兇嚴拿按辦以委民命而伸冤慘等情正在併案辦理聞旋據探報文樓霞路兩鄉均各走極端汲汲備門復于二十九日飭派總隊長黃武率隊先赴彈壓并一面佈告制止縣長亦於三十一日携同西南各鄉正紳赶到該鄉悉心調停因悉兩鄉嫌隙已深禍緣眉睫非請大兵無從鎮懾隨即赴鈞處請示機宜復于六月一日馳回該鄉傳集兩造紳耆取具止鬪切結兩鄉已有悔悟之意詎三日二時兩姓不知如何誤會竟至互相轟擊兩鄉各傷斃多人并傷斃東路討賊軍熊統領部下排長梁德一命兩鄉由是成鬪連日均有接觸并由趙姓檢獲實心退管砲彈各一枚并開花砲彈碎片送案維時軍隊分駐彈壓者計有東路討賊軍司令伍慎修江海防陸戰隊司令楊勝廣各部隊暨縣長督帶游擊隊隊兵六日縣長復由該處趨赴江辦事處報告一切旋又隨同留江警備司令邵剛江海防司令陳策旅長楊錦龍團長楊錦堂督帶大隊并駕駛江漢兵艦前赴古井口實行武裝調停并由鈞處傳出文樓鄉紳耆吳文垂吳德日吳章邁吳章蘇吳章榜吳德琳吳章畧霞路鄉紳耆趙耀墀趙樹璇趙朝漢趙卓江等出具切結嚴束子弟不准再啓衅端并解散幫門匪徒帶同營隊分駐兩鄉自具結後已另由司令陳崇威督隊分駐文樓霞路兩鄉砲樓幫匪亦經遣去兩鄉鬥禍或可從此消弭堪以稍舒廛注至奉詢文樓霞路兩鄉平日有無嫌怨一節查去年九十月間迭據古井商民吳澤榮吳章滙暨霞路鄉民趙權明趙心啓互以慘遭擾掠及飛灰罔陷

各情呈電省署有案此次起衅吳澤理查尙在港并無同鄉情事抑更有請者縣長以邑人承乏本邑對於文樓吳姓固有感情卽對於霞路趙姓亦有族誼自維辦理此案惟有一本誠懇公平不敢稍有偏倚幸托德威感格兩造均知鬥殺相尋禍至無日業已幡然憬悟言歸於好倘再嘖有煩言惟有懇請遴派明幹大員下縣澈查藉資印証緣奉前因除再由縣偵查匪踪會營起擄緝匪究辦外所有本案辦理情形理合具呈鈞鑒伏候指令祇遵等情到處伏查此案先據文樓鄉耆民吳文垂等以誣捏擅殺聚匪圖鬥請追緝懲辦并令飭官兵彈壓以免釀成械鬥等詞呈報前來并迭准軍政部第六六七號第六九五號七八二號來咨大本營秘書處第三五二號來函暨省長公署歌日郵電均請查明辦理各等由當經先後嚴飭新會縣限日緝獲案匪設法起擄分別究給各在案旋查得此案係因霞路鄉趙姓演戲滋事發生擄殺重案該兩鄉人民互生惡感各走極端預備械鬥當以值此戒嚴時期本案發生又在戒嚴區域誠恐匪徒乘機竊發牽動大局隨由職處先後派出第三師補充旅梁團附文炎帶兵一排東路第一路第一支隊伍司令慎修所部熊統領華帶兵二排會同新會縣署游擊隊兵馳赴兩鄉分別彈壓相機制止旋據伍司令報稱奉令前赴對於兩鄉人民曉以大義勸取和平吳族紳耆面稱願遵諭聽候解決惟趙姓則置若罔聞不受制止等情前來職處復令第一支隊伍司令慎修及江海防陸戰隊楊司令勝廣督率部隊會同前往該兩鄉

實力嚴爲彈壓趙姓方面不服制止仍備戰不休竟於六月三日先行開槍以致互相轟擊傷斃多人熊統領所部排長梁德一名并被扛幫趙族之烟管咀林姓用土砲當場轟斃處據報登即立飭留江警備司令鄧剛江海防司令陳策旅長楊錦龍團長楊錦堂司令伍慎修司令陳崇威等督帶大隊并駕駛江漢兵艦會同趙縣長古赴古井口實行武裝調停旋據鄧司令剛等麻電復稱剛等遵令督隊前赴門區雙方勸諭業由文樓吳文垂等霞路趙耀墀等導勸息爭出具切結嚴束了弟不准再敢岫端并雙方願將所僱扛幫門匪限廿結後二十四小時一律解散等情查本處既經雙方和平解決前派駐鄉彈壓各部隊應即先後調離祇令陳司令崇威督隊分駐兩鄉以防後患但以該兩鄉扛幫門匪仍復潛聚未散因再於寒日特派劉代主任紀文會同趙縣長親到古井墟察看情形辦理即飭陳司令所部將該兩鄉此次械鬥所築之砲壘戰溝督令毀拆并飭將餘扛幫門匪勒限驅逐出境現據陳司令崇威覆稱遵將兩鄉砲壘戰溝督隊毀拆一空鄉內扛幫鬪匪亦多已退出等情到處除仍飭陳司令將所部暫駐以防岫端再啓暨飭新會縣嚴緝案匪究辦起摺給領外所有職處辦理本案經過情形理合據實備文呈報

察核備案謹呈

大元帥睿鑒

中華民國十二年六月廿日


大本營駐江辦事處主任古應芬

大元帥指令第二九四號

令大本營駐江辦事處全權主任古應芬

呈報啓用新頒關防小章并將舊關防截角毀銷由

呈悉此令



中華民國十二年六月廿八日

附原呈

呈爲呈報事竊照本處當成立之初所用關防係屬臨時刊用嗣奉

鈞座另行頒發關防一顆文曰大本營駐江辦事處全權主任之關防併象牙小章一顆文曰大本營駐江辦事處全權主任均經祇領在案嗣後行文自應遵用新頒關防小章以昭信守除將舊關防截角銷燬外理合具文呈報察核備案謹呈

陸海軍大元帥大本營公報

指令

七月六日

第十八號

二七

大元帥孫

全權主任古應芬圖

中華民國十二年六月廿二日

大元帥指令第二九五號

令大本營駐江辦事處全權主任古應芬

呈報派員護送余仲奎一名來省由

呈悉已發交軍政部轉送廣東交涉署交該家屬領去矣此令



中華民國十二年六月廿八日

附原呈

為呈報事現由東路討賊第十二路司令鄧耀送到余仲奎一名來處茲派本處委員汪海隨帶兵

士四名護送來省伏乞

察收實為公便謹呈

大元帥

大本營駐江辦事處主任古應芬

中華民國十二年六月廿五日

大元帥指令第二九六號

令前兼理大本營財政部長鄧澤如

呈請發給該部六月份二十四天經費由

呈及預算表均悉准如所請辦理此令



中華民國十二年六月卅日

附原呈

呈爲呈請核發事竊職部五月份職員薪俸及一切經費業經列表呈請

飭司核發邀准在案茲將六月份職員薪俸及一切經費計自一日起至交卸之前一日止共二十

四天應由澤如請領支給理合造具預算表呈請

陸海軍大元帥大本營公報

指令

七月六日

第十八號

二九

陸軍大元帥大本營公報

指令

七月六日

第十八號

三十

鈞核伏乞

俯賜飭司照發以便轉給支領實爲公便謹呈
大元帥孫

中華民國十二年六月二十三日

兼理財政部長鄧澤如

公電

國會議員童杭時等四百七十五人來 大元帥刪電

廣州孫大總統鑒竊維我公爲中華先覺民國元勳受國會之重託負統治之大任乃自黎氏復職不問任期如何我公謙德退讓甘願徹履尊稱自治嶺表不意都門變起軍警橫行黎氏被逼離京匿居津埠張閣解組莫能依法攝政法紀蕩然人民惶恐竊念國家不可有二元首然亦不可無統治之人茲經多數同人會同商權僉以政局紛亂民心無繫累卵之危在在堪虞務祈我公速正名位復總統職昭告中外慰億兆雲霓之望延民國正朔之傳翹首南天無任跂盼國會議員童杭時呂志伊丁超五李文治蕭錦輝丁象謙李希蓮焦易堂田銘璋楊大實王用賓陸祺周震麟徐可亨等四百七十五人叩刪

安徽全省學生聯合總會呈 大元帥號電

廣州孫大元帥鈞鑒此次北京變起非常中外駭憤實由曹錕志圖篡竊構此亂階彼北洋武人官僚去年遂徐迎黎首以恢復法統相號召戴黃陂爲總統通電表示服從信誓旦旦在黃陂任期末經國會解決以前固不容其反顏背抗乃曹錕圖踞大位日亟竟與邊守靖曹銳靳雲鵬等共造逆謀馮玉祥王懷慶薛之珩聶憲藩甘心附逆嗾使軍警僱買流氓連日圍逼黎宅迫逐出京王承斌楊以德載車奪印暴

力橫加舉歷史上莽曹賈充等犯上作亂之惡行悉暴露於天下外交騰笑輿論激昂而齊燮元馬聯甲喪心病狂通電附和彼兩院議員廉恥掃地甘爲曹家奴隸不制憲而賣身不扶危而助亂報載黃陂未出京時曾頒布撤廢巡閱使督軍督理之命令該議員等竟於銑日捏用兩院會合會之議決認爲無效矯誣至此尤駭聽聞本會深慨法紀陵夷大盜竊國爰本約法上主權在民之義宣告曹氏及造謀附逆諸奸罪狀乞我愛國同胞速即奮起聲討臨電憤激不擇所言安徽全省學生聯合總會叩號

上海各團體呈 大元帥沁電

孫大總統鈞鑒廣州自北庭變起黎曹爭總統於上張輿爭攝政於下議員如猪點口給敗政局如沸亂象已成全國人士創十年之亂階皆軍閥所造孽急謀另組政府戡亂救亡環顧國中兆公莫屬敝公團等歷經會議僉以民國十年公應國會之選出任總統繼因陳逆作亂職權雖斷大統猶存今全局無主險象環生值以存亡危急之秋兆公虛心自抑之日務乞爲國爲民毅然恢復政府行使總統職權國民與公同舟必能爲公後盾至於委員制等徒滋紛擾度不至異仁人之聰聽時勢急矣失此俄頃國將不國望公勿以大名不居之小嫌負急難相呼之衆意是爲切盼上海粵僑工界聯合會南洋烟草職工同志會湖南勞工會京漢鐵路總工會湖北工團聯合會海員工會履業工會上海機器工會中國勞工同盟會船務棧房聯合會中華勞工聯合會同志勸戒嗜好閱報社旅滬廣東自治會工商友誼會等同叩

池

中央直轄滇軍總司令楊希閔呈 大元帥覽電

提前萬萬火急廣州大元帥孫鈞鑒我軍自宥日分三路向敵人開總攻擊後敵人據險固守頑強抵抗經我軍猛烈攻擊着着進步我左翼軍於勒日將謝逆文炳所部完全擊潰繳槍五百餘枝獲敵數百餘人其北兵一千餘衆因浮橋爲人民所斷無路退却憑城死守我中央及右翼兩軍節節進攻至兼坑山鑰傘山風門坳之線北沈大部敵衆據險死守急峻堅險不可攀登經我兩方于昨晚夜半右時夜襲乃于今早丑時突破敵陣敵人不支紛向英德車站潰退我中央軍乘夜沿鐵道追擊已追至二十里外刻正以新編部隊更番跟踪追擊務使敵人不得稍有整頓之餘暇此次我軍奮勇前進敵人被創已深肅清北江當在指日知關錦注特以奉聞楊希閔叩覽寅印

楊藎范石生廖行超楊廷培等呈 大元帥覽電

廣州大元帥鈞鑒今日零時我軍第三師與第四旅各部死士當先以三師之大部分及四旅之一部繼其後由曾萬鍾團長率之夜襲敵人坂籐附葛越嶺登山以白刃突擊於零時四時又佔領風門坳西側高山一時佔領東方高山二時佔領百足旗山朱准團長率部清掃右翼之敵追擊逐北敵遂崩潰我軍僅傷連長何伯言以下數人其尤爲出力各將士待查明續報總計交戰僅時許克奏數功各將士之忠

勇奮發令人欽感無已要皆我大元帥愛國熱忱有以感召之也楊蔭范石生廖行超楊廷培叩艷印

四川省議會來 大元帥艷電

廣州孫大元帥鈞鑒吳氏勾結叛將侵畧吾川叠經本會嚴詞切責通電聲討在案詎意言者諄諄聽者藐藐竟引其虎狼入我堂輿動搖我省自治之根本破壞國家和平之統一更復利用盜匪擾害閭閻抽收烟捐顯千國禁軍紀之壞尤異尋常擄掠姦淫無所不至所過之處闔里爲墟凡我川人莫不切齒夫吳氏之所以藉口圖川者不過謂吾省主張自治破壞統一耳行同割據耳不知自治與割據有別而自治並不背於統一凡稍有政法常識者類能知之已無俟本會曉曉置辦且默察吾國之現狀及將來之趨勢亦惟有各省實行自治始可以免除割據促進統一以今日各省尾大不掉之勢必事事受制於中央既有所不能而各省人民在法律上又無直接監督地方政府之權故今所謂督軍巡閱使卽不免橫梗於中央與地方之間上不奉命下不負責陽奉統一之名陰行割據之實此民國以來之情形無間南北而莫之或異者也如欲除此弊患廢省存道既爲歷史所不許則非謀政治根本改造之不可質言之則非主張聯省自治不可而吳氏極端反對此種主張者非此制之果不善特不過與彼所持直系武力統一中國之政策大相妨害耳故主聯省自治並反對武力統一者莫若西南各省而爲彼所嫉視亟欲吞噉者亦莫如西南各省今日粵閩川黔不免同時罹於戰禍固不足怪也且吳氏既以統一法統諸名

詞號召國人即當以身作則風示天下乃何以中央組閣而閣員必由其支配中央任命之張吏竟可隨意拒絕到任又何以國會制憲議及容納省憲即妄加干涉竟敢聯絡直系軍人通電反對他如圖閩擾粵事前並未請命於中央事後乃逼迫中央下令即以此次侵川而論並未經由內閣決議奉有黃陂明令純屬個人法外行動據此種種則今日之破壞統一者孰若吳氏今日之實行割據者又孰若吳氏豈必以督軍總司令之資格僅僅割據一省者方為割據而以巡閱使之頭銜割據數省者反不得謂之為割據耶至法統之說尤為悖謬查所謂法統者不過指恢復國會及黃陂復職兩事而言夫國會自身若從法律嚴格解釋已不無問題至黃陂則人皆認為事實上之總統而不認為法律上之總統其所謂法統者安在即姑認為法統而吳氏對於國會對於黃陂則又何嘗實心崇奉耶總之吳氏所謂統一所謂法統所謂服從中央均屬自欺欺人之具不過假以遂其北洋正統宰制中國之私心而已吾川楊森輩知之而為所利用其愚可矜若明知之而又附和之實無人格以今日而言服從中央不如直截了當明言服從直系夫楊森輩以個人而為吳氏之奴可也必令吾川七千萬人胥為吳氏之奴則不可也本會代表民意誓全人格義無反顧尚祈西南各省與其他自治省分同深敵愾分道出兵以期早日會師武漢殲滅吳賊實行聯治主義進謀國家真正之統一至我川中將領乃同時宣言自治之人息壤在彼不易改節當此大敵當前尤須懷禍至無日之戒守師克在和之箴捐嫌親善致果殺敵安內攘外在此一

舉他如國防義勇均有保衛桑梓之責對此無人道無公理之外寇應分道堵截合力兜剿田陸地垠均可作爲戰場斬木揭竿未始不爲利器總期翦除凶逆勿令生遺張我民氣固我省防打破吳氏武力統一之迷夢實行孫公和平統一之宣言則厚幸矣四川省議會叩艷印

中央直轄滇軍總司令楊希閔呈 大元帥全電

廣州大元帥孫鈞鑒(餘銜畧)勦日逆軍經我中央軍左右翼軍猛攻後由波羅坑退守翁源河大花橋縣城一線抵險據守激戰二日夜至翌日經我中央軍左翼軍夜襲猛烈攻擊遂將翁源河大花橋英德城佔領敵勢不支分兩路沿江潰退經派胡旅跟踪追擊大隊繼進日內即可直達韶關進復南雄諒此區區醜虜不難一鼓蕩平計是役逆軍謝文炳部除繳槍五百餘枝俘虜五百餘名外餘衆潰散沈北兩軍被我中央軍圍繳俘虜甚多各路軍共繳得一千餘檢殺傷數百奪獲輜重無算知關垂注謹以電聞楊希閔叩全已印

大本營秘書長楊庶堪胡總參議蔣參謀長感電

萬急廣州胡總參議蔣參謀長鑒成密帥座已安抵連江口紹基頃來談據報我軍已佔領英德附近謝文炳部兩團已被我軍圍繳槍枝胡旅已到士氣極振庶堪感成印